



**Հավելված 1**  
**Արդարադատության ակադեմիայի**  
**կառավարման խորհրդի 2024 թվականի**  
**մարտի 5-ի ԿԽ-002/24 որոշման**

**ՈՒՍՈՒՑՄԱՆ ԾՐԱԳԻՐ**

**ՎԵՐԱՔՆՆԻՉ ԴԱՏԱՐԱՆՆԵՐՈՒՄ ԴԱՏԱՎՈՐ ՆՇԱՆԱԿՎԵԼՈՒ ՀԱՄԱՐ**  
**ԱՌԱՋԽԱՂԱՑՄԱՆ ԵՆԹԱԿԱ ԴԱՏԱՎՈՐՆԵՐԻ ԹԵԿՆԱԾՈՒՆԵՐԻ ՑՈՒՑԱԿՈՒՄ**  
**ԸՆԴԳՐԿՎԱԾ ԱՆՁԱՆՑ ՄԱՍՆԱԳԻՏԱԿԱՆ ՊԱՏՐԱՍՏՄԱՆ**

**I. ԸՆԴՀԱՆՈՒՐ ԴՐՈՒՅԹՆԵՐ**

1. Ուսուցման սույն ծրագիրը (այսուհետ՝ Ծրագիր) ներառում է վերաքննիչ դատարաններում (հակակոռուպցիոն մասնագիտացման բաժնի կոռուպցիոն հանցագործությունների քննության ենթաբաժին) դատավոր նշանակվելու համար առաջխաղացման ենթակա դատավորների թեկնածուների 2024թ. ցուցակում ընդգրկված անձանց (այսուհետ՝ Ունկնդիրներ) մասնագիտական պատրաստման կրթական չափորոշիչները, ուսուցման ձևը, ուսումնառության ժամաքանակը և ժամկետները, գնահատման եղանակը, ինչպես նաև դասավանդվող առարկայական կուրսերի համառոտ նկարագիրը:
2. Ծրագիրը մշակվել է Արդարադատության ակադեմիայի կողմից՝ «Արդարադատության ակադեմիայի մասին» ՀՀ օրենքի 19-րդ հոդվածի պահանջներին համապատասխան:
3. Ծրագիրը նպատակաուղղված է Ունկնդիրների՝ վերաքննիչ դատարաններում հակակոռուպցիոն գործեր քննող դատավոր նշանակվելու համար առաջխաղացման ենթակա դատավորների թեկնածուների պաշտոնում գործելու համար անհրաժեշտ կարողությունների, հմտությունների ձևավորմանը, մասնագիտական գիտելիքների ծավալի ընդլայնմանը հետևյալ ոլորտներում.

**1) ԸՆԴՀԱՆՈՒՐ ՄԱՍՆԱԳԻՏԱԿԱՆ ՈԼՈՐՏ**

Ընդհանուր մասնագիտական ոլորտը վերաբերում է դատավորի էթիկայի, վարքագծի կանոնների և գործունեության գնահատման և հանրային ծառայության ոլորտում կոռուպցիայի դեմ պայքարի արդի հարցերի վերաբերյալ Ունկնդիրների գիտելիքների ընդլայնմանը:

**2) ՀԱՏՈՒԿ ՄԱՍՆԱԳԻՏԱԿԱՆ ՈԼՈՐՏ**

- **Քրեական իրավունք և դատավարություն:** Մասնագիտական պատրաստման գործընթացը վերաբերում է հակակոռուպցիոն ոլորտում քրեական իրավունքի և դատավարության արդի հիմնահարցերին: Ուսուցման գործընթացը նպատակաուղղված է կոռուպցիոն հանցագործությունների էության, առանձնահատկությունների, որակման հիմնախնդիրների, քրեական պատասխանատվությունը և պատիժը բացառող հանգամանք-

ների, պատժի ինստիտուտի և պատիժ նշանակելուն առնչվող հարցերի, քրեական դատավարության տարբեր փուլերում ծագող հիմնախնդիրների, մասնավորապես՝ ՀՀ վերաքննիչ հակակոռուպցիոն դատարանում գործերի քննության առանձնահատկություններին, վերաքննության կարգով բողոքարկմանը, դրանց վերաբերյալ միջազգային համաձայնագրերի կիրառման հիմնահարցերին, դրանց կապակցությամբ ՀՀ սահմանադրական դատարանի, ՀՀ վճռաբեկ դատարանի և ՄԻԵԴ իրավական դիրքորոշումների ու արդի այլ հիմնահարցերի վերաբերյալ Ունկնդիրների գիտելիքների ծավալի ընդլայնմանը, անհրաժեշտ հմտությունների ու կարողությունների ձևավորմանը: Անդրադարձ կկատարվի նաև ՀՀ քրեական դատավարության օրենսգրքով դատական վերանայման կառուցակարգերին, նախկին և ներկա օրենսգրքերում առկա էական տարբերություններին:

4. Ծրագիրն իրականացվում է առկա ուսուցման ձևով՝ լսարանային ուսուցման և փորձաշրջանի եղանակներով:
5. Լսարանային ուսուցումն իրականացվում է ընդհանուր և հատուկ մասնագիտական դասընթացների մոդուլների հիման վրա:
6. Փորձաշրջանի մեկ օրվա տևողությունը 10 ակադեմիական ժամ է: Փորձաշրջանի ընդհանուր ժամաքանակը սահմանվում է 100 ակադեմիական ժամ: Փորձաշրջանի ավարտին յուրաքանչյուր Ունկնդիր գնահատվում է դրական կամ բացասական:
7. Ուսումնառության ընդհանուր ժամաքանակը Ունկնդիրների համար սահմանվում է 46 ակադեմիական ժամ:
8. Ուսումնառության տևողությունը սահմանվում է 2024թ. մարտի 11-ից ապրիլի 2-ը՝ ներառյալ փորձաշրջանը:

## II. ՈՒՍՈՒՄՆԱՌՈՒԹՅԱՆ ԺԱՄԱՆԱԿԱՅԻՆ ԿԱՌՈՒՑՎԱԾՔԸ

Տևողությունը	Դասընթացների ժամաքանակ	Քննաշրջանի ժամաքանակ	Փորձաշրջանի ժամաքանակ	Ընդհանուր ժամաքանակ
<u>Մարտի 11-ից</u> <u>Ապրիլի 2-ը</u>	<b>46 ժամ</b> (4 դասընթաց) <u>մարտի 11-ից</u> <u>մարտի 19-ը</u>	<b>4 ժամ</b> (2 քննություն) <u>մարտի 28</u>	<b>100 ժամ</b> <u>Մարտի 20-ից</u> <u>ապրիլի 2-ը</u>	<b>150 ժամ</b>
<b>ԸՆԴՀԱՆՈՒՐ</b>	<b>46 ժամ</b>	<b>4 ժամ</b>	<b>100 ժամ</b>	<b>150 ժամ</b>

### III. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՒՐՍԵՐԻ (ԴԱՍԸՆԹԱՑՆԵՐԻ) ՑԱՆԿ

#### 1. Ընդհանուր մասնագիտական դասընթացների մոդուլ

№	Դասիչ	Անվանում	Ժ/ք
1.	JC-AC-G-001-24	Դատավորի էթիկա, վարքագծի կանոններ և գործունեության գնահատում	4
2.	JC-AC-G-002-24	Հանրային ծառայության ոլորտում կոռուպցիայի դեմ պայքարի արդի հարցեր	4
<b>ԸՆԴՀԱՆՈՒՐ</b>			<b>8</b>

#### 2. Հատուկ մասնագիտական դասընթացների մոդուլներ

	Դասիչ	Անվանում	Ժ/ք
3.	JC-AC-CR-001-24	Քրեական իրավունքի արդի հարցեր	20
4.	JC-AC-CR-002-24	Քրեական վարույթի արդի հարցեր	18
<b>ԸՆԴՀԱՆՈՒՐ</b>			<b>38</b>

### IV. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՒՐՍԵՐԻ (ԴԱՍԸՆԹԱՑՆԵՐԻ) ՀԱՄԱՌՈՏ ՆԿԱՐԱԳԻՐԸ

#### 1. JC-AC-G-001-24. Դատավորի էթիկա, վարքագծի կանոններ և գործունեության գնահատում

Դասընթացը պայմանավորված է դատավորի էթիկայի, վարքագծի կանոնների և գործունեության գնահատման ոլորտում նոր իրավակարգավորումներով սահմանված չափանիշների ներկայացման, այս ոլորտում գիտելիքների ծավալի ընդլայնման և կատարելագործման անհրաժեշտությամբ:

Դասընթացի շրջանակում քննարկման առարկա կդառնան դատավորի էթիկայի կանոնները, գործունեության գնահատման չափանիշները, դատավորի վարքագծի կանոններն ինչպես ի պաշտոնե գործելիս, այնպես էլ ցանկացած գործունեություն իրականացնելիս և բոլոր հանգամանքներում, հատուկ անդրադարձ կկատարվի դատավորի ինքնաբացարկի հիմքերին, դրանց կիրառման առանձնահատկություններին, ինչպես նաև զանգվածային լրատվության միջոցների հետ և այլ շփումներում դատավորի վարքագծի առանձնահատկություններին:

Գնահատումն իրականացվում է գրավոր եղանակով՝ JC-AC-G-002-24 դասընթացի հետ համատեղ:

## **2. JC-AC-G-002-24. Հանրային ծառայության ոլորտում կոռուպցիայի դեմ պայքարի արդի հարցեր**

Դասընթացը պայմանավորված է հանրային ծառայության ոլորտում կոռուպցիայի դեմ պայքարի ոլորտում գիտելիքների ծավալի ընդլայնման անհրաժեշտությամբ:

Դասընթացը ներառում է Հայաստանի Հանրապետությունում հանրային ծառայության ոլորտում կոռուպցիոն երևույթներին, դրանց դեմ տարվող պայքարի ընդհանուր իրավիճակին, հակակոռուպցիոն պայքարի իրավական (ներպետական և միջազգային, այդ թվում՝ ԵԽ Կոռուպցիայի դեմ պայքարի պետությունների խմբի (ԳՐԵԿՈ) և ԵԽ Փողերի լվացման և ահաբեկչության ֆինանսավորման դեմ պայքարի միջոցառումների գնահատման փորձագետների հանձնախմբի (ՄԱՆԻՎԱԼ) հանձնարարականները) և ինստիտուցիոնալ շրջանակներին (ներպետական և միջազգային, այդ թվում՝ ԳՐԵԿՈ և ՄԱՆԻՎԱԼ գործունեությունը), համապատասխան այլ շահագրգիռ կողմերի (հասարակական կազմակերպությունների, ԶԼՄ-ների) մասնակցության և պետության կողմից ձեռնարկվող միջոցառումներին, դատավորների բարեվարքությանը վերաբերող արդի խնդիրներին, այդ թվում՝ հայտարարագրերին վերաբերող հարցերը:

Գնահատումն իրականացվում է գրավոր եղանակով՝ JC-AC-G-001-24 դասընթացի հետ համատեղ:

## **3. JC-AC-CR-001-24. Քրեական իրավունքի արդի հարցեր**

Դասընթացը պայմանավորված է քրեական իրավունքի, մասնավորապես՝ հակակոռուպցիոն ոլորտում իրականացված և իրականացվող բարեփոխումների, քրեական օրենսգրքի նորմերի գիտական վերլուծության ու կիրառման արդյունքում բացահայտված թերությունները հաղթահարելու, քրեական իրավունքի տեսության ու օրենսդրության ժամանակակից միտումներին համահունչ հայեցակարգային նոր կառուցակարգերի ու ինստիտուտների, վիճահարույց հարցերի շուրջ ՄԻԵԴ, ՀՀ սահմանադրական դատարանի, ՀՀ վճռաբեկ դատարանի ակտերում արտահայտված իրավական դիրքորոշումների վերաբերյալ գիտելիքներ հաղորդելու, ինչպես նաև դրանք գործնականում կիրառելու կարողություններ ձևավորելու անհրաժեշտությամբ:

Դասընթացը ներառում է՝

- ՀՀ քրեական գործող օրենսդրության սկզբունքները, դրանց էությունը,
- քրեական պատասխանատվության ընդհանուր պայմանները, հիմքը,
- հանցագործությունների որակման իմացաբանական հիմունքները,
- «Հանցանք» հասկացությունը,
- ՀՀ քրեական գործող օրենսգրքի հավելված 1-ով նախատեսված կոռուպցիոն հանցագործությունների ցանկով սահմանված հանցակազմերի ճշգրիտ որակման հիմնահարցերը, հարակից հանցակազմերը միմյանցից սահմանազատելու հիմնախնդիրները և դրանց լուծման ոլորտում օրենսդրական ու իրավակիրառ փորձը,
- պատժի ինստիտուտին և պատիժ նշանակելուն, քրեական պատասխանատվությունը և պատիժը բացառող հանգամանքներին առնչվող հարցերը,
- պատիժ նշանակելը: Պատիժ նշանակելու ընդհանուր սկզբունքները,

- պատիժ նշանակելը համագործակցության կամ համաձայնեցման կամ արագացված կամ համաձայնությամբ տուգանք նշանակելու վարույթներով դատաքնության դեպքում,
- քրեական իրավունքի, մասնավորապես՝ ՄԻԵԿ-ով երաշխավորված իրավունքների պաշտպանության վերաբերյալ ՄԻԵԴ իրավական դիրքորոշումները, ՀՀ նկատմամբ դրա կիրառման հարցերը, ՀՀ ստանձնած միջազգային պարտավորությունների բովանդակությունը (այդ թվում՝ Միավորված ազգերի կազմակերպության՝ մարդու իրավունքների վերաբերյալ հիմնական պայմանագրերը, դրանց կիրառման առանձնահատկությունները, «Քաղաքական և քաղաքացիական իրավունքների մասին» միջազգային դաշնագրում ամրագրված իրավունքները, դրանց ներպետական օրենսդրությունում կիրառելիության և Կամընտիր արձանագրությամբ հասանելի դարձած ընթացակարգերի հարցերը),
- կոռուպցիոն բնույթի հանցագործությունների վերաբերյալ հաղորդում ներկայացնող անձանց պաշտպանության և ազդարարման համակարգի էությունը, առանձնահատկությունները,
- հանցակցությունը հատուկ սուբյեկտի կողմից կատարված հանցագործություններում,
- 2024թ-ի հունվարի 16-ին կատարված փոփոխությունները և լրացումները՝ ՀՀ քրեական օրենսգրքում:  
Գնահատումն իրականացվում է գրավոր եղանակով՝ JC-AC-CR-002-24 դասընթացի հետ համատեղ:

#### 4. JC-AC-CR-002-24. Քրեական վարույթի արդի հարցեր

Դասընթացն անհրաժեշտ է քրեական վարույթի նոր իրավական զարգացումների, դատական վերանայումների, քրեական դատավարության օրենսգրքի նորմերի գիտական վերլուծության և կիրառման արդյունքում բացահայտված թերությունները հաղթահարելու, քրեական դատավարության տեսության ու օրենսդրության ժամանակակից միտումներին համահունչ հայեցակարգային նոր կառուցակարգերի ու ինստիտուտների, ՀՀ մասնակցությամբ միջազգային պայմանագրերի կիրառման գործնական հարցերի, վիճահարույց հարցերի շուրջ ՄԻԵԴ, ՀՀ սահմանադրական դատարանի, ՀՀ վճռաբեկ դատարանի ակտերում արտահայտված իրավական դիրքորոշումների, ՀՀ քրեական դատավարության գործող օրենսգրքի սահմանված իրավակարգավորումների էության և տրամաբանության վերաբերյալ գիտելիքներ հաղորդելու, ինչպես նաև դրանք գործնականում կիրառելու կարողություններ ձևավորելու համար:

Դասընթացը ներառում է՝

- քրեական դատավարության օրենսգրքի նպատակը և առանձնահատկությունները,
- քրեական հետապնդումը բացառող հանգամանքները,
- քրեական վարույթի սկզբունքները,
- առարկայական և տարածքային ընդհատությունը,
- ապացույցները և ապացուցման գործընթացի հիմնախնդիրները քրեական դատավարությունում,

- քաղաքացիական հայցի լուծման, դատական ծախսերի վերականգնման և իրեղեն ապացույցների տնօրինման հիմնախնդիրները,
- դատական վերանայման ընդհանուր պայմանները և առանձնահատկությունները,
- վերաքննությունը և դրա առանձնահատկությունները,
- վերաքննության սահմանները, նյութական օրենքի ոչ ճիշտ կիրառումը, քրեադատավարական օրենքի էական խախտումը,
- ՀՀ քրեական դատավարության առանձին ինստիտուտների վերաբերյալ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումները և դրանց կիրառման հիմնախնդիրները,
- քրեական դատավարության ոլորտում ՄԻԵԿ-ով երաշխավորված իրավունքների պաշտպանության անհրաժեշտ երաշխիքների ապահովման հիմնախնդիրները, դրանց վերաբերյալ ՄԻԵԴ իրավական դիրքորոշումները և ՀՀ-ում դրանց կիրառման հիմնահարցերը,
- ՀՀ մասնակցությամբ միջազգային պայմանագրերի կիրառման գործնական հարցերը (այդ թվում՝ ՄԱԿ-ի Մարդու իրավունքների վերաբերյալ հիմնական պայմանագրերի և դրանց կիրառման առանձնահատկությունների, «Քաղաքական և քաղաքացիական իրավունքների մասին» միջազգային դաշնագրում ամրագրված իրավունքների, ինչպես նաև ներպետական օրենսդրության մեջ դրանց կիրառելիության և Կամընտիր արձանագրությամբ հասանելի դարձած ընթացակարգերի հարցերը),
- մեղադրյալի բացակայությամբ իրականացվող վարույթը, համաձայնեցման և համագործակցության վարույթները քրեական դատավարությունում,
- 2024թ-ի հունվարի 16-ին կատարված փոփոխությունները և լրացումները՝ ՀՀ քրեական դատավարության օրենսգրքում:

Գնահատումն իրականացվում է գրավոր եղանակով՝ JC-AC-CR-001-24 դասընթացի հետ համատեղ: